

সিটিজেন চার্টার

অভ্যন্তরীণ সেবাহীতা: বাংলাদেশ প্রেস ইনস্টিটিউটের সকল কর্মকর্তা/কর্মচারীবৃন্দ।

বহিঃস্থ সেবাহীতা: দেশ-বিদেশী সাংবাদিক, শিক্ষক-ছাত্র, সকল প্রকার গণমাধ্যমকর্মী ও সাধারণ নাগরিক।

অভ্যন্তরীণ সেবাহীতার প্রাপ্য সেবাসমূহ

- পরিবহন সুবিধা : কিছু সংখ্যক কর্মকর্তা/কর্মচারীদের যাতায়াতের জন্য দু'টি মাইক্রোবাস, দু'টি রুটে চলাচল করে।
- অফিসের ব্যবহার্য জিনিসপত্র, টেলিফোন ও অন্যান্য সুবিধা প্রদান: প্রাপ্যতা ও প্রয়োজন অনুযায়ী মঞ্জুর করা হয়ে থাকে।
- অর্জিত ছুটি, শিক্ষা ছুটি, শ্রান্তি বিনোদন ছুটি মঞ্জুর : প্রাপ্যতা অনুযায়ী যথাসময়ে মঞ্জুর করা হয়ে থাকে।
- কর্মকর্তা ও কর্মচারীদের পিআইবি'র বিধিবিধান অনুযায়ী কন্ট্রিবিউটরি প্রভিডেন্ট ফান্ড ও গ্র্যাচুইটি প্রদান করা হয়ে থাকে।
- পেশাগত দক্ষতা বৃদ্ধিতে প্রাসঙ্গিক প্রশিক্ষণ প্রদান : কর্মকর্তা/ কর্মচারীদের বিভিন্ন প্রতিষ্ঠান কর্তৃক আয়োজিত স্বল্প ও দীর্ঘমেয়াদি প্রশিক্ষণ কোর্সে অংশগ্রহণের জন্য মনোনয়ন প্রদান করা হয়ে থাকে।

বহিঃস্থ সেবাহীতার প্রাপ্য সেবাসমূহ

- অডিটরিয়ামের ভাড়া : প্রতিদিন ভাড়ার হার- ১০,০০০/- (দশ হাজার) টাকা;
* (হ্রাসকৃত ভাড়া ৭,৫০০/- (সাত হাজার পাঁচ শত) টাকা)
- সেমিনার কক্ষ ভাড়া : প্রতিদিন ভাড়ার হার- ৫,০০০/- (পাঁচ হাজার) টাকা;
* (হ্রাসকৃত ভাড়া ৩,৫০০/- (তিন হাজার পাঁচ শত) টাকা)
* শুধুমাত্র তথ্য মন্ত্রণালয় ও এর অধীন এবং গণমাধ্যম সংশ্লিষ্ট প্রতিষ্ঠানের জন্য প্রযোজ্য।

অধ্যয়ন ও প্রশিক্ষণ বিভাগ :

সাংবাদিকদের জন্য প্রশিক্ষণ কর্মশালা

- বাংলাদেশ প্রেস ইনস্টিটিউটে কর্মরত সাংবাদিকসহ সংশ্লিষ্টদের পেশাগত দক্ষতা বৃদ্ধির জন্য বিষয়ভিত্তিক স্বল্প মেয়াদি প্রশিক্ষণ কর্মশালা আয়োজন করে থাকে। নিয়মিত বুনিয়াদি প্রশিক্ষণ কর্মশালার পাশাপাশি জেডার, প্রজনন স্বাস্থ্য, পরিবেশ, পানি ও বন্যা ব্যবস্থাপনা, সিআরসি, সিডো ও মীনা, এইচআইভি/ এইডস, বার্ড ফ্লু এবং শিশু ও নারী বিষয়ক রিপোর্টিং প্রশিক্ষণ কর্মশালা, UNICEF, Marie Stopes, PLAG (II) ও অন্যান্য প্রতিষ্ঠানের সহায়তায় পিআইবি আয়োজন করে থাকে।
- কর্মশালার মেয়াদ ৩-৫ দিন হয়ে থাকে।
- প্রশিক্ষণ কর্মশালার যাবতীয় ব্যয়ভার পিআইবি বহন করে। এছাড়াও বিভিন্ন আন্তর্জাতিক সংস্থার সহায়তায় প্রশিক্ষণ কার্যক্রম পরিচালিত হয়।
- স্থানীয় প্রেসক্লাব ও পত্রপত্রিকার সমন্বয়ে মনোনয়নের ভিত্তিতে অংশগ্রহণকারী নির্বাচন করা হয়।
- পিআইবি কেন্দ্রীয়ভাবে ঢাকাসহ বিভিন্ন জেলায় ও উপজেলায় প্রশিক্ষণ কর্মশালা আয়োজন করে থাকে।
- প্রতিটি কর্মশালায় ২০-২৫ জন অংশগ্রহণকারীকে অংশগ্রহণের সুযোগ দেয়া হয়।

সাংবাদিকতায় স্নাতকোত্তর ডিপ্লোমা কোর্স

- প্রতিবছর জুলাই/আগস্ট মাসে পিআইবিতে চলমান এক শিক্ষাবর্ষ মেয়াদি সাংবাদিকতায় স্নাতকোত্তর ডিপ্লোমা কোর্সে শিক্ষার্থী ভর্তির জন্য পত্রিকায় বিজ্ঞাপন প্রদান করা হয়।
- সপ্তাহে ৫ (পাঁচ) দিন (কর্মদিবস) ক্লাস অনুষ্ঠিত হয়। প্রতিদিন বিকেল সাড়ে পাঁচটা থেকে রাত আটটা পর্যন্ত ক্লাস চলে।
- বিশ্ববিদ্যালয়ের শিক্ষক, অভিজ্ঞ সাংবাদিক, প্রখ্যাত মিডিয়া বিশেষজ্ঞ, আইনজ্ঞ, কম্পিউটার বিশেষজ্ঞগণ ক্লাসে পাঠদান করেন।
- লিখিত ও মৌখিক পরীক্ষার মাধ্যমে শিক্ষার্থী নির্বাচন করা হয়।
- সাধারণত বিজ্ঞপ্তি প্রকাশের এক মাসের মধ্যে ভর্তি প্রক্রিয়া সম্পন্ন করে ক্লাস শুরু করা হয়।
- মোট আসন সংখ্যা-৫০
- শিক্ষার্থীদের নিকট থেকে এককালীন ১৪,০০০.০০ (চৌদ্দ হাজার) টাকা ভর্তি বাবদ নেয়া হয়।

সাংবাদিকতায় স্নাতকোত্তর ডিপ্লোমা কোর্সে ভর্তির যোগ্যতা

- জাতীয় বিশ্ববিদ্যালয়/স্বীকৃত অন্যকোন বিশ্ববিদ্যালয়ের ন্যূনতম স্নাতক ডিগ্রী।
- এস.এস.সি. হতে স্নাতক পর্যন্ত যে কোন একটি পরীক্ষায় কমপক্ষে দ্বিতীয় বিভাগ/জিপিএ-২ গ্রেড প্রাপ্ত হতে হবে।
- স্নাতক পর্যায়ে পঠিত বিষয় হিসেবে সাংবাদিকতা বিষয়টি থাকতে হবে।
- ডিগ্রী পর্যায়ে সাংবাদিকতা বিষয়টি পঠিত না হয়ে থাকলে সাংবাদিকতায় ডিপ্লোমা/সমমানের কোর্স সম্পন্ন হতে হবে।
- যারা এই শর্তও পূরণ করবে না, তাদের ক্ষেত্রে যে কোন বিষয় নিয়ে ন্যূনতম স্নাতক ডিগ্রীসহ সাংবাদিকতায় কমপক্ষে ২ বছরের বাস্তব অভিজ্ঞতা থাকতে হবে।

প্রকাশনা ও ফিচার বিভাগ :

প্রকাশনা ও ফিচার বিভাগ থেকে গণমাধ্যম সাময়িকী 'নিরীক্ষা' ও গণমাধ্যম বিষয়ক বই, পুস্তিকা ও ম্যানুয়াল প্রকাশিত হয়।

নিরীক্ষা

গণমাধ্যম বিষয়ক লেখা দিয়ে গণমাধ্যম সাময়িকী 'নিরীক্ষা' প্রকাশিত হয়। সাধারণত সাংবাদিক ও গণমাধ্যম বিষয়ক অভিজ্ঞ লেখকরা এ পত্রিকায় লিখে থাকেন। সংবাদপত্র, রেডিও-টিভি, গণমাধ্যম সংক্রান্ত বিষয়ের বিভিন্ন দিক নিয়ে লেখকরা লেখেন। পত্রিকাটি প্রতি মাসে প্রকাশিত হয়। লেখক সম্মানী ৫০০.০০ টাকা থেকে ২,০০০.০০ টাকার মধ্যে সীমাবদ্ধ। লেখার মান অনুযায়ী এই টাকা প্রদান করা হয়। পত্রিকাটিতে বিভিন্ন গণমাধ্যম সংশ্লিষ্ট লেখকের লেখা থাকায় গণমাধ্যমকর্মীদের কাছে এটি যথেষ্ট জনপ্রিয় ও গ্রহণযোগ্য।

বই/ম্যানুয়াল

একটি বই বা ম্যানুয়ালের জন্য প্রথমে বিষয় নির্বাচন করা হয়। একই সঙ্গে কে এই বিষয়ে ভাল লিখতে পারবেন এমন একজন লেখকও নির্বাচন করা হয়ে থাকে। গণমাধ্যম বিষয়ক মানসম্মত লেখা/বইও ছাপানোর জন্য নির্বাচন করা হয়ে থাকে। প্রতিটি বই বা ম্যানুয়াল কমপক্ষে ১০০০ কপি মুদ্রিত হয়। লেখক মুদ্রিত মূল্যের ১৫% রয়্যালটি হিসেবে পান।

অর্থ বরাদ্দ সাপেক্ষে পিআইবি গ্রন্থটি সর্বোচ্চ ১,০০০ (এক হাজার) কপি প্রথম মুদ্রণ করে। লেখক প্রকাশিত পুস্তকের ২৫ (পঁচিশ)টি সৌজন্য কপি হিসেবে পেয়ে থাকেন।

ফিচার

বিভিন্ন গুরুত্বপূর্ণ/বিশেষ দিবস উপলক্ষে ফিচার/নিবন্ধ প্রকাশ করা হয়। UNICEF সহ দেশী-বিদেশী অর্থায়নে বিশেষ ধরনের ফিচার প্রকাশ করা হয়।

গবেষণা ও তথ্য সংরক্ষণ বিভাগ:

১. বহিঃস্থ সেবাপ্রার্থীতা: গণমাধ্যমকর্মী, গবেষক, বিশ্ববিদ্যালয়ের শিক্ষক ও ছাত্র এবং সমাজের বিভিন্ন শ্রেণী-পেশার নাগরিক।
২. অভ্যন্তরীণ সেবাপ্রার্থীতা: বাংলাদেশ প্রেস ইনস্টিটিউটের সংশ্লিষ্ট কর্মকর্তা-কর্মচারীবৃন্দ।

ক. গবেষণা রিপোর্ট

পিআইবি'র গবেষণা ও তথ্য সংরক্ষণ বিভাগ সমাজের ওপর গণমাধ্যমের প্রভাব, তথ্য প্রচারে গণমাধ্যমের ভূমিকা, গণমাধ্যমের কাছে জনগণের প্রত্যাশা-প্রাপ্তিসহ গণমাধ্যম সংশ্লিষ্ট নানা ধরনের গবেষণা কার্যক্রম পরিচালনা এবং প্রাপ্ত তথ্য পুস্তিকা আকারে প্রকাশ করে থাকে। এ পর্যন্ত সম্পাদিত ও চলমান গবেষণার সংখ্যা ৭৩টি।

খ. নিউজ ক্লিপিং সার্ভিস

বিভিন্ন পত্রপত্রিকায় প্রকাশিত গুরুত্বপূর্ণ খবরের ওপর বিষয়ভিত্তিক ক্লিপিং সংরক্ষণ করা হয়। বর্তমানে বিষয়ভিত্তিক ফাইল সংখ্যা ২৬৫টি।

গ. গণমাধ্যম বিষয়ক ঘটনাপঞ্জি

প্রতিদিনের সংবাদপত্রে প্রকাশিত গণমাধ্যম বিষয়ক ঘটনাবলীর ভিত্তিতে লিপিবদ্ধ করে প্রকাশ ও সংরক্ষণ করা হয়।

ঘ. গ্রন্থাগার

বই

বিষয় : গণযোগাযোগ, সাংবাদিকতা, গণমাধ্যম উন্নয়ন, যোগাযোগসহ সামাজিক বিজ্ঞানের নানা শাখা।

সংখ্যা : প্রায় ১১,০০০

নিউজ পেপার আর্কাইভস

কিনে সংগৃহীত পত্রিকার সংখ্যা : দৈনিক ২৭, ম্যাগাজিন ১৫

সৌজন্য কপি হিসেবে প্রাপ্ত পত্রিকা : শতাধিক

পত্রিকার ধরন : জাতীয় ও আন্তর্জাতিক

ডিজিটাল ফরম্যাটে পত্রিকা সংরক্ষণ

পত্রিকার সংখ্যা : চারটি

পত্রিকার নাম : প্রথম আলো, সমকাল, ডেইলি স্টার, দৈনিক ইত্তেফাক

সাইবার কর্নার

সামান্য ফি'র বিনিময়ে ইন্টারনেট ব্রাউজিং, চ্যাটিং, স্বনামে ই-মেইল অ্যাকাউন্ট খোলা, ই-মেইল প্রেরণ ও গ্রহণের সুবিধা প্রদান।

ফটোকপি

মেশিন সচল থাকা সাপেক্ষে নির্ধারিত ফি'র বিনিময়ে ফটোকপির সেবা দেয়া হয়।

কম্পিউটারাইজড বিবলিওগ্রাফিক ডাটাবেইজ

ডাটাবেইজ সংখ্যা : পাঁচটি

ডাটাবেইজের বিষয় :

১. পিআইবি'তে সংরক্ষিত গবেষণা জার্নাল ডাটাবেইজ
২. পিআইবি গ্রন্থাগারে আগত পত্রপত্রিকার ডাটাবেইজ
৩. ঢাকা থেকে প্রকাশিত দু'টি জাতীয় দৈনিকের গুরুত্বপূর্ণ খবরের ডাটাবেইজ
৪. গ্রন্থাগারের বইয়ের ডাটাবেইজ
৫. গ্রন্থাগারে সংরক্ষিত ম্যাগাজিনসমূহের ডাটাবেইজ।

প্রাপ্তি স্থান : পিআইবি গ্রন্থাগার

সময় : প্রতিদিন অফিস সময় (সকাল ৯টা থেকে বিকাল ৫টা)

অভিযোগ গ্রহণকারী :

পরিচালক (প্রশাসন)

বাংলাদেশ প্রেস ইনস্টিটিউট

৩ সার্কিট হাউস রোড, ঢাকা - ১০০০

ফোন : ৯৩৩০০৮১-৪,

ফ্যাক্স : ৮৮০-২-৮৩১৭৪৫৮

ওয়েবসাইট: <http://www.pib.gov.bd>

ই-মেইল : dgpib@yahoo.com